



**KFUM og KFUK**

# **Suðurnesjum**

Ársskýrsla fyrir starfsárið 2020 - 2021



## KFUM og KFUK á Suðurnesjum

### Skýrsla fyrir starfsárið 2020 - 2021

#### Stjórn og stjórnarstarf

Aðalfundur KFUM og KFUK á Suðurnesjum var haldinn 10.mars 2020.

Stjórn KFUM og KFUK á Suðurnesjum á starfsárinu skipuðu:

- Sigurbjört Kristjánsdóttir – formaður
- Sveinn Valdimarsson – gjaldkeri
- Margrét Jóhanna Guðjónsdóttir – ritari
- Blær Elíasson – varamaður
- Erla Guðmundsdóttir – varamaður

Skoðunarmenn reikninga voru:

- Páll Skaftason
- Sigvaldi Björgvinsson

#### Stjórnarstörf

Stjórnin hélt 5 fundi á starfsárinu og voru verkefni stjórnarinnar margvísleg. Verkefni voru meðal annars umsjón með deildarstarfi félagsins á Suðurnesjum, en starfsstöðvarnar eru 4 talsins: fjórar deildir eru starfræktar í félagsheimili KFUM og KFUK í Keflavík, ein deild í safnaðarheimili kirkjunnar í Innri-Njarðvík og ein deild á Ásbrú í samstarfi við Njarðvíkursókn og Hjálpræðisherinn, einnig eru þrjár deildir í Grindavík í samstarfi við Grindavíkursókn. Hlutverk stjórnar var að fá leiðtoga til að leiða starfið í Reykjanesbæ og gekk það mjög vel. Haldin voru þrjú leikjanámskeið sumarið 2020. Einnig bar stjórnin ábyrgð á umsjón og viðhaldi félagsheimilisins að Hátúni 36 í Reykjanesbæ.

#### Leiðtogar

Leiðtogar og ungleiðtogar starfsins úr Reykjanesbæ og Grindavík voru 28 talsins.



## Starfsemi starfsstöðvar

Skráðir þátttakendur í deildarstarfi KFUM og KFUK á Suðurnesjum haustið 2020 voru **257** talsins sem er aðeins færri en í fyrra en sennilega hefur heimsfaraldurinn áhrif á þessa tölu.

### Deildarstarfið

Árið 2020 var frábrugðið fyrri árum vegna veirunnar Covid 19 sem hafði mikil áhrif á deildarstarfið. Árið byrjaði þó eins og vant er þar sem leiðtogar skipulögðu fjölbreytta og skemmtilega dagskrá með það í huga hvað hentar hverjum aldurshópi. Eins og áður voru fésbókarsíður notaðar til að hafa gott upplýsingateymi sem kom að góðum notum



þetta árið þegar þurfti að aflýsa hinum ýmsu fundum og viðburðum vegna stöðunnar í samfélaginu. Fundnar voru ýmsar leiðir til þess að halda börnum og unglíngum í starfinu, meðal annars voru tveir fundir í unglíngadeildinn haldnir á netinu og var þá Kahoot spurningakeppnaforritið gjarnan notað sem vakti mikla lukku. Ánægjulegt að segja frá því að fjöldi kvenna/leldri leiðtoga kom inn í starf yngri deildar KFUK í Keflavík þegar á þurfti að halda vegna veikinda forstöðukonu og skiptu fundunum sín á milli allan veturinn. Þegar fundir voru haldnir með eðlilegum hætti þá gekk starfið ótrúlega vel fyrir sig, gætt var að sóttvörnum, leiðtogar með grímur og einnig var húsið vel sótthreinsað eftir hvern fund.

### Leiðtogafræðsla

Leiðtogar á Suðurnesjum hafa sótt 24 stundir leiðtogaþjálfun sem haldin eru í sumarbúðum KFUM og KFUK tvisvar á ári. Þar fá leiðtogar góða fræðslu sem nýtist þeim í deildarstarfi. Við hvetjum alla ungleiðtoga okkar til þess að taka þátt á 24 stundum.

## Leikjanámskeið

Þjú leikjanámskeið voru í júní 2020. Forstöðukonur voru Guðbjörg Ýr Hilmarsdóttir og María Rut Arnarsdóttir. Auk þeirra unnu á námskeiðunum Elísabet María Kristinsdóttir, Eyrún Ólöf Ívarsdóttir, Eypór Ingi Brynjarsson, Helga Rut Guðjónsdóttir, Helga Vigdís Thordersen, Jón Arnar Birgirsson, Lilja Þorsteinsdóttir, Ólafur Þór Gunnarsson og Ragnar



Sigurðsson. **Þátttakendur á námskeiðunum voru 50.** Leikjanámskeiðin gengu vel og byggja orðið á traustum grunni. Lögð er áhersla á að nýta margs konar möguleika sem bæjarfélagið býður uppá. Gleðilegt var að geta haldið út námskeiðunum í ljósi aðstæðna bæði fyrir börn og foreldra.

## Önnur starfsemi

Félagsþjónusta Reykjanesbæjar hafði afnot af húsinu í nokkur skipti um haustið.

## Ýmsir viðburðir í starfi KFUM og KFUK á Suðurnesjum

Allir sameiginlegir viðburðir á vegum KFUM og KFUK féllu niður vegna veirunnar Covid 19.

Í ágúst átti ungmennaskiptaverkefnið „Love the Difference with Nature“ að eiga sér stað á Íslandi. Þetta verkefni er samstarfsverkefni til þriggja ára þar sem Slóvakía, Ísland og Þýskaland eru samstarfsaðilar. Verkefnið fór fyrst fram í Þýskalandi og síðan í Slóvakíu á árinu 2019 og er Íslandsferðin síðasta ferðin í þessu verkefni. Níu þátttakendur og þrjú leiðtogar frá Íslandi höfðu verið í óða önn að búa til fjölbreytta og áhugaverða dagskrá fyrir komandi sumarbúðir með hinum löndunum. Gista átti í Ölveri í 7 nætur og í Kaldárseli í 2 nætur. Vegna Covid 19 veirunnar var erfitt að gera ráðstafanir vegna flugs, þar sem fólk ýmist komst ekki á milli landa eða þurfti að fara í nokkurra daga sóttkví, var því ákveðið í samvinnu við hin löndin að fresta mótinu til 2021 í von um að ástandið í heiminum batni.

„Allir með“ er verkefni með það markmið að auka tækifæri allra barna á því að finna íþrótt, tómstund eða æskulýðsstarf við hæfi og því voru unnin myndbönd um allt tómstundar-og æskulýðsstarf í Reykjanesbæ. Mikilvægt er að börn fái að vera hluti af hóp og upplifi sig sem heild. Félagið tók þátt í verkefninu með því að taka upp myndband í deildarstafinu sem notað

verður meðal annars sem kynningarmyndband. Það er sýnt á vef bæjarins ásamt fésbókarsíðunni okkar og er góð leið til að kynna starfið. Unnið verður áfram með þetta verkefni í samstarfi við Reykjanesbæ og hin æskulýðsfélögin.

Nýja árið fór ágætlega af stað þar sem takmarkanirnar sem voru í gildi eftir áramót giltu ekki um grunnskólanema og hafði því ekki áhrif á deildarstarfið. Í febrúar fóru unglingsdeildirnar í Keflavík, Ásbrú og Grindavík á Æskulýðsmótið Friðrik í Vatnaskógi. Mótið var auðvitað unglingunum til mikillar gleði enda var dagskráin fjölbreytt og áhugaverð.

### **Gjafir og styrkir**

Reykjanesbær og Keflavíkursókn eru helstu styrktaraðilar KFUM og KFUK á Suðurnesjum. Einnig koma styrkir frá ýmsum fyrirtækjum og velunnurum starfsins. Er það félaginu ómetanlegt að eiga svo jákvætt viðhorf í samfélaginu og sterkan hóp sjálfbóðaliða sem koma að starfinu.

### **Viðhald félagsheimilis að Hátúni 36**

Viðhald félagsheimilisins var með minna móti þetta árið þó var sett hurð í leiðtogaherbergi, renna utanhúss var endurnýjuð og fjölmörg tré í garðinum fjarlægð. Ryksuguróbot var gefinn félaginu sem kemur að góðum notum.

### **Framtíðarsýn**

Við stefnum ótrauð áfram að betra og öflugra starfi í KFUM og KFUK á Suðurnesjum. Samfélagið vinnur vel með okkur og við finnum jákvæðan byr hjá fólki og velunnurum bæði í Reykjanesbæ og Grindavík. Almenn viðhald á húsi okkar að Hátúni 36 heldur áfram og nú er innri salurinn nær tilbúinn, setja þarf upp loftljós og kaupa innréttingar í leiðtogaherbergi. Einnig höfum við hug á að kaupa ný borð í stóra salinn. Samstarf við Hjalpræðisherinn á Ásbrú hófst í vetur og við bindum vonir við að það samstarf eflist og dafni. Verkefnið „Allir með“ er skemmtileg viðbót við starfið og eflir samstarf við æskulýðs- og íþróttavettvanginn í Reykjanesbæ sem er bæði gagnlegt og mikilvægt. Við höldum áfram að vera með leikjanámskeið að sumri og er það ómetanleg tenging við vetrarstarfið.

## Lokaorð

Þakklæti er það sem kemur fyrst upp í hugann þegar hugsað er til þessa óvenjulega starfsárs. Þakklæti fyrir að geta haldið starfinu okkar að mestu uppi þrátt fyrir heimsfaraldur. Þakklæti til velunnara okkar sem voru tilbúnir að aðstoða og koma til hjálpar þegar á þurfti að halda. Þakklæti til leiðtoganna okkar sem voru jákvæðir og fundu nýjar lausnir á ótrúlegum og skrýtnum tímum. Það var dýrmætt að finna hvað börn, unglingar og foreldrar héldu tryggð við okkur og létu ekki tímundið fundabann stöðva sig.

Þakklætið er þó mest til frelsara okkar Jesú Krist sem leiðir okkur daglega, hughreystir og styrkir.

„Allt megna ég fyrir hjálp hans sem mig styrkan gerir“. Fil. 4,12

Með kærleikskveðju,  
Stjórn KFUM og KFUK á Suðurnesjum